



*Iesus donne guarison aux sourds & muets : Puis il repaist vne grande multitude de gens fameliques.*



Namena entr'autres à Iesus vn sourd & muet , & le prioit-on qu'il mist la main sur luy, & l'ayant retiré à part ; il mist ses doigts és oreilles d'iceluy ; & ayant craché toucha sa langue, puis esleuant ses yeux au Ciel, il gemit & luy dist, *Ephpheta*, lequel mot signifie, sois ouuert : & ses oreilles furent ouuertes, & les liens de sa langue furent desliez, & parloit clairement. Or il leur commanda de n'en parler à personne : mais ils le publioient encore plus, & tous estoient estonnez, & disoient : Il a tout bien fait faisant les sourds ouïr, & les muets parler. Et monta sur vne montagne & s'assit ; & le peuple en grande abondance vint à luy avec des muets, boiteux, aueugles, & des manchots, qui furent tous guaris : dont ils glorifierent le Dieu d'Israël. Et en ces iours-là aussi, vne grande multitude de gens estoit avec Iesus n'ayant que manger ; il appella ses Disciples, & leur dist, l'ay pitié de ce peuple, car il y a trois iours qu'ils sont avec moy, & ils n'ont que manger. Ie ne veux pas les enuoyer à ieun, de peur qu'ils ne defaillent en chemin : Donc de sept pains, & quelques petits poissons, il repeut ses troupes qui estoient environ quatre mille, sans les femmes & petits enfans, & en resterent sept corbeilles pleines.

*S. Matthieu Chap. 15. S. Marc Chap. 7.*